


史載之方





史 載 之 方

史 堪 撰

叢書集成初編

(補印本)

史 載 之 方

一九三九年十二月初版
一九六〇年一月補印

史

堪

撰

商務印書館出版

上海市印刷六廠印刷

本館據十萬卷樓
叢書本排印初編
各叢書僅有此本

史載之傳

史堪字載之蜀人

書錄解題

治病用藥初不求異炮炙製度自依本法審證精切不過三四服立癒

載之方畧

眉州

人彭師古年三十時得異疾不能食聞葷腥氣輒嘔惟用一鐺旋煮湯沃淡飯數匙食之食已鼻中必滴

血一點懨懨疲削醫莫能愈乃趨郡謁堪堪曰君之疾在素問經中其名曰食掛凡人肺六葉舒張如蓋

下覆於脾則子母氣和飲食甘美一或有戾則肺不能舒脾爲之蔽故不嗜食素問曰肺葉焦熱名曰食

掛蓋食不下脾瘀而成疾耳遂製藥服之三日覺肉香啖之無所苦自此嗜食宿恙頓除

宋稗類鈔

蔡元長苦

大腸祕醫不能通堪診脈已曰請求二十錢元長曰何爲曰欲市紫苑耳末紫苑以進須臾遂通元長大

驚問其說曰大腸肺之傳送今之祕無他以肺氣濁耳紫苑清肺氣此所以通也

北窗炙錄

著有指南方二

卷凡分三十一門門各有論

題解

陸氏曰史堪里貫無考據書錄解題知爲蜀人而已蜀有史崧見蜀中廣記亦以醫名其卽堪之一家歟

余旣刻其書因摭諸書而爲之傳

史堪

史載之方卷上

宋 史 堪 撰

四時正脈

春

春脈弦。其氣來柔軟弱虛而滑。端直以長。名之曰弦。反此者病。其氣來實而強。名爲太過。病在外。其氣來不實而微。此爲不及。病在中。太過則令人善忘忽忽。冒眩巔疾。不及則令人胸痛引背。下兩脅胷滿。

夏

夏脈鉤。其氣來盛去衰。反此者病。其氣來盛去亦盛。此爲太過。病在外。其氣來不盛去反盛。此爲不及。病在中。太過則令人身熱而膚痛。爲浸濕。不及則令人煩心。上見欬唾。下爲氣泄。

秋

秋脈浮。其氣來輕虛以浮。其氣來急去散。故曰浮。反此者病。帝曰。何如反。其氣來毛而中央堅。而兩旁虛。此謂太過。病在外。其氣來毛而微。此謂不及。病在中。太過則令人逆氣而背痛。慍慍然。不及則令人喘。呼吸少氣而欬。上氣見血。下聞病音。

冬

冬脈營其氣來沉而博故曰營反此者病其氣來如彈石者此謂太過病在外其去如數者此謂不及病在中太過則令人解休脊脈痛而少氣不欲言其不及則令人心懸如病飢眇中清脊中痛少腹滿小便變

中

脾無善脈止見惡脈蓋脾脈以和緩爲主故四時之脈雖不同春脈弦夏脈鉤秋脈毛冬脈營皆要有脾脈若脾脈不見便是五藏眞脈見眞脈見者死所以脾無善脈者謂其常脈便是吉脈其太過不及皆爲病脈太過則令人四肢不舉其來如水之流者太過也濕勝則然耳不及則令人九竅不通名曰重強其來如鳥之啄者不及也土不用事則然耳濕勝而其脈如流邪乃傷腎土不用事而九竅不利因受木所制木制則脾受水矣九竅不利故多生浮腫脹滿之疾久而成水

眞脈

眞肝脈至中外急如循刀刃責責然如按琴瑟絃色青白不澤毛折乃死眞心脈至堅而搏如循薏苡累累然色赤黑不澤毛折乃死眞肺脈至大而虛如以毛羽中人膚色白赤不澤毛折乃死眞腎脈至博而絕如以指彈石辟辟然色黑黃不澤毛折乃死眞脾脈至弱而乍數乍疎色黃青不澤毛折乃死

厥陰所勝生病

運氣所勝

殭泄食減。體重煩冤。腸鳴腹支滿。甚則忽忽善怒。眩冒巔疾。脇痛而吐甚。衝陽絕者不治。

司天所勝

體重。肌肉萎。食減口爽。目轉耳鳴。胃脘當心而痛。飲食不下。舌本強。食則嘔。殭泄。腹脹。溏泄。癢。水閉。

在泉所勝

洒淅寒如瘧。善伸數欠。心痛支滿。兩脇裏急。飲食不下。鬲咽不通。食則嘔。腹脹善噫。得候與氣。則快然如衰。身體皆重。

少陰所勝生病

運勝

瘧。少氣欬喘。血溢泄注下。噤燥耳聾。中熱。肩背熱。

天勝

喘。嘔寒熱。噎。欬。衄。鼻窒。甚則瘡瘍。脇痛。善太息。胸中煩熱。噤乾。右肘滿。皮膚痛。寒熱。欬喘。唾血。衄。溺色變。瘡瘍。肘腫。肩背臂臑及缺盆痛。

地勝

腹中常鳴。氣上衝胸。喘不能久立。寒熱。皮膚痛。齒痛。頰腫。惡寒發熱如瘧。少腹中痛。腹大。

太陰所勝生病

運勝

腹痛清厥。意不樂。體重煩冤。肌肉萎。足萎不收。行善癢。脚下痛。飲發中滿。食減。四支不舉。腹滿。溏泄。腹鳴反下。甚而大谿絕者。不治。

天勝

胸中不利。陰萎。氣大衰而不起。不用。當其時。反腰膝痛。動轉不便。心下否滿。少腹痛。時害於食。肘腫。骨痛。陰痺。陰痺者。按之不得。腰脊頭項痛。時眩。大便難。陰氣不用。飢不欲食。咳唾則有血。心如懸。

地勝

飲積。心痛。耳聾。渾渾焯焯。噎腫。喉痺。陰病血見。少腹痛腫。不得小便。病衝頭痛。目似脫。項似拔。腰似折。髀不可以回。臍如結。臍如別。

陽明所勝生病

運勝

兩脇下少腹痛。目皆痛。皆瘍。耳無所聞。體重煩冤。胸痛引背。兩脇滿。且痛引少腹。甚則喘逆氣咳。肩背痛。尻陰股膝髀踣跗足皆病。

天勝

脇痛目赤掉振鼓慄筋痿不能久立小便變寒熱如瘡甚則心痛左脇脇痛寒清于中感而瘡欬腹中鳴注泄驚漉心脇暴痛不可反側噤乾面塵腰痛丈夫癰疽婦人少腹痛目昧眇瘍瘡瘰癧

地勝

昏病喜嘔嘔有苦太息心脇痛不能反側甚則噤乾面塵身無膏澤足外反熱

太陽所勝生病

運勝

身熱煩心躁悸陰厥上下中寒譫妄心痛甚則腹大脛腫喘欬寢汗出憎風

天勝

心熱煩噤乾善欬噓喜悲數欠熱氣妄行善忘甚則心痛嘔血血泄軌軌善悲□□時眩仆腹滿手熱肘攣掖腫心澹澹大動胸脇胃脘不安面赤目黃善噫噤乾甚則色炁渴而飲

地勝

少腹控睪引腰脊上衝心痛血見噤痛頰腫

少陽所勝生病

天勝

欬噓軌軌鼻窒瘍寒熱肘腫心痛胃脘痛厥逆鬲不通熱上皮膚痛色變黃赤傳而爲水身面肘腫腹滿

仰息泄注赤白瘡瘍唾血煩心胸中熱甚則魀

地勝

注泄赤白少腹痛溺赤甚則血便少陰同候

六氣復而生病

厥陰之復

少腹堅滿裏急暴痛心痛汗發嘔吐飲食不入而復出筋骨掉眩清厥甚則入脾食痺而吐

少陰之復

燠熱內作煩躁鼾嚏少腹絞痛火見燔炳隘燥分注時止氣動於左上行於右欬皮膚痛暴瘡心痛鬱冒不知人洒洒淅惡寒振慄譫妄寒已而熱渴而欲飲少氣骨疼膈腸不便外爲浮腫噦噫瘡瘍癰瘰甚則入肺欬而鼻淵

太陰之復

體重中滿食飲不化陰氣上厥胸中不便飲發於中欬喘有聲頭頂痛重而掉癰尤嘔而密默唾吐清液甚則入腎竅泄無度

少陽之復

驚癰欬衄心熱煩躁便數憎風厥氣上行面如浮埃目而睜癰火氣內發上爲口瘡嘔逆血溢血泄發而

爲瘡。惡寒鼓慄。寒極反熱。噤絡焦槁。渴引水漿。色變黃赤。少氣脈萎。化而爲水。傳爲浮腫。甚則入肺。欬而血泄。

陽明之復

病生脘脇。氣歸於左。善太息。甚則心痛。痞滿。腹脹而泄。嘔苦。欬噦。煩心。病在鬲中。頭痛。甚則入肝。驚駭筋攣。

太陽之復

心胃生寒。胸中不利。心痛。痞滿。頭痛。善恐。時眩仆。食減。腰雖反痛。屈伸不便。少腹控臍。引腰脊。上衝心。唾出清水。及爲噦噫。甚則入心。善忘。善悲。

論六氣所生之病

五行之爲病一也。而所生之氣不同。如木之所至爲風化。而病之生不獨止於肝。火之所至爲熱化。而病之生不獨止於心。此司天司地統歲紀運之不同。故爲病亦從而各異。又有乘年之虛。過月之空。失時之和。或勝而所勝受刑。或復而制於所勝。且以經言之。天火下臨。則肺氣上從。則白起金用。而草乃眚。燥氣下臨。則肝氣上從。則蒼起木用。而土乃眚。以常所勝而論之。則火至而肺病。金至而肝病。今也。天火下臨。則金以從天之氣而白迺用。故病反生於肝。天金下臨。則木從天之氣而蒼迺用。故病反生於脾。類舉而推。則厥陰司天。脾氣上從。而水斯眚。太陽司天。心氣上從。而金斯眚。少陰司天。肺氣上從。而肝斯眚。太陰

司天則腎氣上從而火斯告。皆可知矣。此天度之尊。獨異於他。經言。天能制色。以其能制勝己。而使不爲害。至於司地。則氣化之正。各隨其證耳。若夫紀運之歲之不同。則又視其司天之氣化。如六甲之歲。陽土當運。有陰凝流衍之布。宜與六己之歲不同也。然己巳。己亥。與六甲之歲同。六庚多肝病。而庚寅。庚申之歲。金不能制肝。六戊多肺病。而戊辰。戊戌之歲。火不能害肺。氣化所至。譬如權衡。可卽其氣以求其病。惟勝復之候不同。難以前期。亦隨其氣之多寡。以求其證。勝之爲病輕。復之爲病重。勝則所不勝者順受其克。復如報怨仇焉。此又不可不知也。今以木之受病。本於肺金之所制。則不過如肺氣有餘。凌犯於肝。生眼昏背癢耳無所聞。胸痛體重之病耳。若迺木化之盛。肝氣妄行。大傷於脾。則金必相救。邪反傷肝。能使人體重煩冤。胸痛引背。兩脅滿。宜痛引少腹。故經言上應太白星者。謂金之復也。雖然。人之氣。猶之天地之氣。五藏之氣。卽五運之氣。三陰之氣。卽六氣之變。顧一身之氣。多寡之如何。亦不必因天地之氣化所生。己亥之歲。人多肝病。而有病肺者。子午之歲。人多心病。而有病腎者。此一人之身。自有天地之氣化。調治之法。與五運六氣所至之法同。至於病一也。而所生之病。所受之本。所以至病之由不一者。或以本藏有餘而成。或以本藏不足而成。或經絡所過之處同而成。經之所載。二火所生之病。雖輕重不同。而其實則一。太陰。太陽。水土共胞。寒濕同化。所生之病亦類。目會衆筋。而病變多端。心統五藏。而病生奇怪。清濁異源。各有其機。表裏殊狀。各有其應。今詳舉之。以明治病之訣。

肝熱刑脾而泄。卽經言飧泄。餘證當腸鳴。腹支滿。口膠渴。小府赤。宜涼其肝。輕益其胃。診其脈。六脈輕弦。胃上得肝脈。不至大弦。然六脈雖弦。亦不必有骨力。以泄則氣虛不實故也。宜用荊芥散。

荊芥穗一分

防風

芍藥

訶子皮

羌活

甘草各一分

白蒺梨半兩

厚朴十銖
去皮

木香三銖

右爲細末。非時以水壹盞。聚壹个。同煎三錢匕。和滓服。

脾濕而泄。經言腹滿溏泄。餘證腹痛。體重。食減。甚則足痿。行善契。脚下痛。宜用削朮豆蔻散。

草豆蔻

削朮

訶子皮各一兩

大芎

陳橘皮各半兩

甘草

膏本各八銖

獨活

藿香各一分

右爲細末。空心水壹盞。薑兩片。棗兩個。同煎三錢。取八分。和滓服。

腎水之寒。亦生溏泄。以寒濕同化。所生之病一耳。經又言寒迫下焦。傳爲濡泄。陰氣入腎竅。泄無度。洞泄皆屬於水土之所生。其證體重。食減。腹痛。四支不舉。甚則注下赤白。腰膝酸痛。股膝不便。若脾氣之濕。則六脈渾濁如革。濡散而大。如按泥漿。加之腎寒。則又沉伏遲弱。動而無力。宜併治其水。暖其脾腎。暖脾藥。宜以削朮豆蔻散。暖腎藏方。草薢勝金丸。

葶藶

訶子各壹兩

石斛

續斷

芎

附子

巴戟去心

官桂

藥本各半兩

蓬莪茂

山茱萸

細辛

當歸

獨活各壹分

右爲末煉蜜丸如梧桐子大空心米湯下五七十九

又方宜服舶上硫黃丸方見痢門

肺金之勝亦生腹鳴澹泄肺主清肅之氣流入于中變成寒中驚澹又肺主少腹故生斯病餘證少腹痛中清肱脇痛其脈六脈毛而微不浮毛爲肺脈微則泄而氣弱初泄則本肺脈一指偏一二日則變而微但不浮耳尺澤沉而小繫宜溫其肺四味芍藥散

吳白朮

芍藥

桔梗

香白芷

右等分爲末非時水壹盞生薑三片同煎三錢匕入棗二个取八分服

大府祕

肝心氣實風血相搏大府結澹口苦舌澹甚則口乾膠小府赤頭痛眼昏六脈洪大而實宜用柴胡湯

柴胡

前胡

防風

杏仁去皮尖

羌活

茯苓

甘草

芍藥各一分

麥門冬去心一分

乾地黄八銖

半夏二銖

右爲齏散。食後并非時。水一盞。葱白一根。同煎三四錢匕。取八分。去滓服。肺氣上實。其氣上蒸。不能傳送。大府祕熱。其脈浮而疾。尺澤脈短。寸口脈大。宜用柴胡湯。加紫苑、麻黃各一分。良。

寒濕之勝。大府反祕。經言陰氣不用。便堅。以土不用事。脾胃不動。無傳送耳。其陰具水土之證。脈亦如之。宜用大腹皮散。

陳橘皮壹兩

青橘皮

大芎

五味子

芍藥

香白芷

甘草各一分

大腹皮

草豆蔻各半兩

木香

檳榔各四銖

右爲細末。每服三錢匕。非時。水一盞。煎八分。和滓服。

元氣虛弱。腎水空虛。胃無津液。大府澁遲。六脈微而虛。宜用菴蓉粥。

肉菴蓉一分。米一掬。先洗菴蓉令淨。切令極細。同米。用水兩碗已上。煮作稀粥。既熟。入少許葱。并薄入鹽醬調和。空心投三四盞。

小府祕

小府之祕。其狀難識。有淋。有癰。有澁。或疼。不疼。肝心之氣盛實而熱。小腸氣虛。熱氣流入膀胱。遂成小府。

赤澁之病。其脈數而輕弦。尺澤弦而長。又微緊。或心脈長。皆主此病。宜用此方。

伏苓 半兩

麥門冬 去心

芍藥

前胡

杏仁 去皮尖

桔梗

防風 各一分

荊芥 三銖

甘草 炙

木通 各四銖

右爲細末。食後。以水壹盞。葱白一支。同煎三錢匕。和滓服。

又方。宜服此五苓散。

肝經之熱。小府赤痛。六脈弦急而長。又發寒慄。宜用蔓荊湯方。

蔓荊子

羌活

獨活

麻黃

荊芥穗

芍藥

木通

甘草

右等分。前法煎。食後服。

濕氣寒氣之勝。同犯於心。心氣上行。不得小便。小府不快。宜服削朮草豆蔻散。又服此大芎湯。

大芎 半兩

蓬莪茂 半兩

木香 四錢

伏苓 半兩

甘草

草薺 各壹分

右爲細末。空心。水壹盞。入鹽少許。同煎三錢匕。和滓服。

元氣虛弱。腎氣不足。膀胱氣虛。衝任脈虛。丈夫癰疽。婦人癰閉。宜服此方。其脈六脈皆動。細數而輕弦。